

Na osnovu člana 15. stav 1. tačka 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 66. Zakona o pravima, obavezama i odgovornostima pacijenata ("Službene novine Federacije BiH", broj 40/10), člana 14. Zakona o zdravstvenoj zaštiti ("Službene novine Federacije BiH", 46/10 i 75/13), člana 69. Statuta Općine Stari Grad Sarajevo – Prečišćeni tekst ("Službene novine Kantona Sarajevo", broj 20/13), člana 4. Odluke o osnivanju Zdravstvenog savjeta Općine Stari Grad Sarajevo ("Službene novine Kantona Sarajevo", broj 11/17), i člana 1. Odluke Općinskog načelnika, broj: 01-05-4-1481/17 od 06.07.2017. godine, Općinski načelnik Općine Stari Grad Sarajevo, **o b j a v l j u j e**

P O N O V N I

J A V N I P O Z I V

za izbor i imenovanje članova Zdravstvenog savjeta

Općine Stari Grad Sarajevo

I

Općinski načelnik Općine Stari Grad Sarajevo (u daljem tekstu: Općinski načelnik) objavljuje ponovni Javni poziv za izbor i imenovanje članova Zdravstvenog savjeta Općine Stari Grad Sarajevo (u daljem tekstu: Zdravstveni savjet).

II

S ciljem ostvarivanja društvene brige za zdravlje na nivou Općine Stari Grad Sarajevo (u daljem tekstu: Općina) osniva se Zdravstveni savjet.

Zdravstveni savjet obavlja sljedeće poslove:

- predlaže i evaluira provođenje zdravstvene zaštite na području jedinice lokalne samouprave
- daje mišljenje na planove i programe zdravstvene zaštite za područje lokalne samouprave, te predlaže mjere za poboljšanje dostupnosti i kvaliteta zdravstvene zaštite na svom području
- prati primjenu propisa na području jedinice lokalne samouprave koji se odnose na zaštitu prava i interesa pacijenata, uposlenih i zdravstvenih radnika
- organizuje obrazovne kurseve za građanstvo iz poznavanja materije o pravima pacijenata i postojeće legislative

- daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama
- prati povrede pojedinačnih prava pacijenata na području jedinice lokalne samouprave
- predlaže preduzimanje mjera za zaštitu i unapređenje prava pacijenata i zdravstvenih radnika na području jedinice lokalne samouprave
- bez odgađanja obavještava Zdravstveni savjet u kantonalnom ministarstvu o slučajevima težih povreda prava pacijenata koje mogu ugroziti život ili zdravlje pacijenata i zdravstvenih radnika
- podnosi Općinskom vijeću i kantonalnom ministarstvu godišnji izvještaj o svom radu
- obavještava javnost o povredama prava pacijenata i zdravstvenih radnika
- obavlja i druge poslove predviđene zakonom

III

Zdravstveni savjet u okviru poslova i zadataka koje obavlja aktivno će biti uključen i imat će partnersku ulogu zajedno sa zdravstvenim ustanovama i nadležnim ministarstvima i drugim organima i institucijama, u donošenju zakonskih i podzakonskih akata i drugih mjera u cilju adekvatnog zadovoljavanja potreba zdravstvene zaštite lokalnog stanovništva, a posebno u situacijama kada je u pitanju otklanjanje određenih riziko – faktora za zdravlje stanovništva (vodosnabdijevanje, uklanjanje deponija i slično).

IV

Zdravstveni savjet broji devet (9) članova koji se imenuju iz reda:

- predstavnika pacijenata
- predstavnika mladih
- predstavnika općinskog organa uprave
- predstavnika komora iz oblasti zdravstva
- predstavnika stručnih udruženja, udruženja za zaštitu prava pacijenata
- predstavnika crvenog krsta/križa s područja općine
- predstavnika zdravstvenih radnika iz zdravstvenih ustanova na području općine
- predstavnika zdravstvenih radnika privatnih praksi
- predstavnika penzionera

Zdravstveni savjet imenuje Općinski načelnik, na osnovu Javnog poziva, na period od četiri godine sa mogućnošću reizbora.

U slučajevima kada se ocijeni da su aktivnosti i djelovanje udruženja na brizi i zaštiti pacijenata nedovoljni ili ukoliko udruženje prestane s radom izvršit će se imenovanje drugog predstavnika ovih udruženja.

Imenovanje iz prethodnog stava izvršit će Općinski načelnik na prijedlog Zdravstvenog savjeta i po osnovu raspisanog Javnog poziva.

V

Pravo na prijavu za izbor u članstvo Zdravstvenog savjeta imaju kandidati iz reda pacijenata, mladih, općinskog organa uprave, komora iz oblasti zdravstva, stručnih udruženja, udruženja za zaštitu prava pacijenata, crvenog krsta /križa s područja općine, zdravstvenih radnika iz zdravstvenih ustanova na području općine, zdravstvenih radnika privatnih praksi na području općine kao i penzionera s područja općine.

VI

Kandidat za člana Zdravstvenog savjeta treba da ispunjava sljedeće uslove:

- da je punoljetni državljanin Bosne i Hercegovine (dokaz: uvjerenje o državljanstvu koje nije starije od šest (6) mjeseci)
- da ima prijavljenu adresu prebivališta na području općine Stari Grad Sarajevo (dokaz: CIPS prijava)
- da je član udruženja/nevladine organizacije registrovane po važećim zakonskim propisima (dokaz: rješenje o registraciji udruženja/nevladine organizacije)
- da ima minimalno tri (3) godine radnog iskustva u instituciji, ustanovi, udruženju, nevladinoj organizaciji (dokaz: potvrda izdata od strane institucije, ustanove, udruženja, nevladine organizacije)
- da uživa ugled i ima evidentne rezultate rada u oblasti u kojoj djeluje (dokaz: potvrda izdata od strane institucije, ustanove, udruženja ili nevladine organizacije)

VII

Prijava treba da sadrži kraću biografiju o kandidatu, adresu i kontakt telefon kandidata, te dokaze o ispunjavanju uslova navedene u tački VI ovog javnog poziva.

VIII

Općinski načelnik će formirati komisiju za izbor i imenovanje članova Zdravstvenog savjeta koja će, na osnovu pristiglih prijava, predložiti Općinskom načelniku listu kandidata za imenovanje u Zdravstveni savjet.

IX

Javni poziv će biti objavljen na oglasnoj ploči Općine Stari Grad Sarajevo, na web stranici Općine Stari Grad Sarajevo (www.starigrad.ba) i u dnevnim novinama "Oslobođenje".

Javni poziv ostaje otvoren petnaest (15) dana od dana posljednjeg objavljivanja, a o rezultatima Javnog poziva podnosioci prijava će biti blagovremeno obaviješteni.

Prijave sa potrebnom dokumentacijom dostavljaju se u zatvorenoj koverti na protokol Općine Stari Grad Sarajevo, svakim radnim danom od 7,30 do 16,00 sati ili putem pošte na adresu:

Općina Stari Grad Sarajevo – Služba za boračko-invalidsku i socijalnu zaštitu

ulica Zelenih beretki broj 4

71 000 Sarajevo

sa naznakom “Prijava na Javni poziv za izbor i imenovanje članova Zdravstvenog savjeta – ne otvarati”

Na poledini koverta obavezno upisati kontakt podatke o podnosiocu prijave.

Neblagovremene i nepotpune prijave neće se uzimati u razmatranje. Dodatne informacije se mogu dobiti na telefon broj: 033/ 282-373.

OPĆINSKI NAČELNIK

mr. Ibrahim Hadžibajrić s.r.

Sarajevo, 17.07.2017. godine

Broj: 09-05-4758/17